

“Man ai plikma bara ai sakma, kan man
kupiam aiska ni ai plikisma bara.”

Nahki Gâd wal kakaira takaia ba

Nahki Gâd wal kakaira takaia ba

Gâd wal kakaira takaia ba sika kulkanka kau tara ba diara nani sut purkara wan rayaka aiska ra. Nahki painkira sa Gâd baha nani ai kupia aiska ni plikan nani ra param pali takan! Bansakuna witin ra plikras nani mawan wina yukuwanra sa, kan witin wal kakaira takan daukras ba mita. Baha nani kasak pali Gâd wal kakaira takan dauki nani ba baha nani baman naha ulbanka wahya nani na stadi munbia, kan naha na Kraist kupia wina takan bila nani wal ulbi banghkan sa bamna. Witin mita Gâd sibrinka bri waitnika nani kupiara aisan bara Baibilra ulbi manki banghwan, bara pyua nani aiska masraka nani luan nani ra ban naha bila nani na tiwras ban bara sa, Setan kasak pali traikaikan naha ulbanka nani na sauhki tikaia dukiara.

Man kupiam aiska ni wapankam ba swih bara Gâd ra balma kaka, Witin ai Spiritka Holikira ba yaka manra iwbia, bara diara kumi mita sin dakbi mai sakbia apia ai latwanka wina. Witin ai pramiska nanira Kasak luks bara ai bila walankara ai nina blik.

Witin ba man Gâd kam kabia bara man lika “ai yuika bak sakan kum kama.” Witin man dukiam ra prais tara pali aibapan bara man wal asla ai lama-ra mai bri kaia want sa nana ra bara bankaiara sin.

GAD KASAK PALI KUMI BAMAN SA 1

“Dawan wan Gâdka ba Dawan kumi sa. Dawan Gâdkam ra latwan kaikma kupiam aiska kira; solkam aiska kira bara karnikam aiska kira sin.”

–Kli smalkan 6:4b, 5

Kasbrika pura Papaskra ba, witin sika Gâd bara Dawan ba, tasba ba dauki bara paskan ba, witin watlika ra bapi mangkan ba, witin baha paskan ba, bilara diara apu kaia dukiara paskras kan, sakuna upla nani bara iwi kaia, witin aisisa: “Yang sika Dawan, bara wala apu.”

–Aiseya 45:18

“Baku bara nisan nani tasba ra iwi ba kaikbia, Dawan Gâd baku, wala apu ba.”

–1 King 8:60

“Yang sika Dawan, baha ba yang nini sa, bara yang praina ba upla walara yabamna apia. Bara aidul nani ra sin sip mayunras yang sirkira.”

–Aiseya 42:8

Dawan aisisa: “Man nani ba yang witniski nani sma, bara yang duki dadaukra, yang mita bak sakri ba, man nani ai kaikma bara yang ra kasak lukaia bara man nani tanka brima yang ban sna ba; Gâd kumi wala yang kainira apu sa, bara yang ningkira sin apu sa. Yang, yakan baman Dawan, yang wina wala apu sa, swaki mai saki ba.”

–Aiseya 43:10, 11

“Man nani yang ra bal bara swaki mai sakamna, tauan tasba wala wina. Kan yang na Gâd sna, bara wala apu sa.”

–Aiseya 45:22

2 GAD BA LATWAN KIRA SA BARA YAMNI NI AIBANGWAN SA

Dawan ba upla ra taua munisa, bara kupia swapni sa, wihka sin bila kaikisa, ai latwanka laka bri ba mita. Ai lamtwanka laka ba tara pali sa witin ra mai kulki nani ra, tasba kasbrika purara yahpika tara ba baku sa.
-Lawana nani 103:8, 11

Sakuna Dawan kupia latwanka laka ba, ban kaiara bara sa, baha nani witin ra pain kulki nani bara, ... ai lâka bila nani wali daukaia ba swiras nani bara.
-Lawana nani 103:17a, 18b

Man wal baku Dawan wala apu sa! Man uplikam kau swin ba mampara buan ... sakuna lilia sma kupiam pihni laka ban mariki kaia.
-Maika 7:18

Dawan latwanka ba ban kaiara bara sa, ai kupia yamnika nani ba sip dan takras. Titan bani kli raya takisa; nahki tara sa kasakkam lukanka ba.
-Inanka nani 3:22, 23

Dawan, man, kasak sma kasakkira nani ba wal.
-Lawana nani 18:25a

Au, witin mita upla ra pôt saura blikisa sakuna umpira sin kaikisa, kan witin latwanka laka ba tara pali bamna.
-Inanka nani 3:32

"Dawan ra tingki wis; witin ba yamni sa bamna ai latwanka laka ba ban kaiara sa." -1 Kronikas 16:34

"Kan yang kaikisna man kupiam lukra ba swapni sa upla ra kupiam baikisi kli pat umpira kaikisma, upla ra latwan pali kaikisma ba mita rausauhkaia pâlisi, kli pat kupiam ulakisma." -Jona 4:2b

GAD MANRA LATWAN MAI KAIKISA 3

"Yang param takri witin ra lai wina. Yang latwan pali mai kaikri ban kaiara latwanka; baha mita ninam blikisna yamni man dauki kaia."
-Jirimaia 31:3

Yang kaikisna man nani dukyam dia daukaia lukisna ba, man nani ra yamni takaia daukaia sna, saura lika apia, man nani bila kaikanka aingwa kum brima lukanka wal. Yang, Dawan kasak aisisna.
-Jirimaia 29:11

Dawan wisa: "Yang man nani ra latwan mai kaikisna."
-Malakai 1:2a

Aisa ai luhpia nani ra latwan kaiki ba baku, Dawan baha nani ra latwan kaikisa, witin ra kulki uplika nani ra.
-Lawana nani 103:13

Nara kais, yang sari pali kaia katna ba, nanara kupi kumi sna. Prura tasbaia wina, man, yang rayaki ba sakram, yang saura yari ba sut man pri ai sakram.
-Aiseya 38:17

Bamna baku yawan sip kan kaikaia bara kasak lukaia, Gâd mita latwan wan kaikisa. Yawan Gâd ra latwan kaikisa, witin mita pas latwan wan kaikan ba mita.
-1 Jan 4:16a, 19

"Dawan, man nani Gâdkam, man nani tilamra sa. Witin karnika sut pali brisa, bamna swaki mai sakbia! Dawan ba man nani dukyamra ai auyapah kabia. Ai latwanka laka ni upla raya mai daukbia; bara witin ai liliakira aiwanbia."
-Sepanaia 3:17

Dawan man lamtwanka laka ba aihka painkira sa!
-Lawana nani 36:7a

4 WAN RAYAKA RA DIARA KAU TARA KULKI BA SIKA GAD WAL KAKAIRA TAKAIA BA

Sakuna Gâd ra lat wan kaiki uplika nani ba ban bapi bui kabia, bara baha laka ba mapara sin bubia.
-Danyal 11:32b

"Upla kum aimayunaia brin daukisa kaka, yang ai kakaira taki bara witin aimayunbia, witin tanka bri-bia yang sika Dawan sma ba, yang latwan kaiki tasba ra diara daukisna, kasakka laka, wapni kaka ni, yang baha daukaia sika yamni kaikisna. Yang, Dawan, kasak aisi sna."
-Jirimaia 9:24

Lilia pali sa, baha nani ai lâka bila nani yamni bri ba, bara ai kupia aiska witin ra pliki ba.
-Lawana nani 119:2

"Rayakaia bara prura ba wal, mawanra swisatna ani ba brima dukyara; yamnika bara latubanka sin. Bris rayaka; man nani raya kaia dukyara bara kyamkam nani sin. Dawan Gâdkam ra man nani latwan kaiki bas, bila wali dauki kasak bas, kan man rayakam ba witin wina sa bamna. Bara nani ailal baha kuntrika iwma."
-Kli smalkan 30:19b, 20a

Yang man nani wina brin ai dauki ba sika, man nani latwan ai kaikma, sakripais nani dauki aikisma ba lika apia; Gâdkam baku ai kakaira taks, bara man nani daïwan aiska angki aikisma ba lika apia.
-Husiya 6:6

Sula ba, diran pali dauki kan awala li pliki tauki ba baku, Dawanki yang sin mai pliki taukisna.
-Lawana nani 42:1

Dawan pana witin ra win: "Yang man wal wamna bara, maikrika wingkam puhma." -Impakan sturka 33:14

GAD WINA NAYARA IWAIA BA 5 SAURA PALI SA

"Dawan ba man nani wal sa, man nani witin wal sma kaka; man nani witin plikma kaka, saki bangwma; sakuna witin wina laiura wama kaka, witin sin mai swi bangwbia."
-2 Kronikas 15:2b

"Upla kupia lukra kuninkira pali warwra ba baku kau diara wala apu sa. Ya sip sa baha tanka ba bri-aia?"
-Jirimaia 17:9

Yabal bara sa upla nakra ra wapni man sa; saku-na baha yabalka tnata ba lika prura.
-Sins laka 16:25

Gâd mita insal nani saura daukan ba saurka swih tikras, kuna baha nani ba sut hel ra lulki tihmu palira swin sa, sen ni priski lâ tara yua ba kat laka daukaia. Bamna Dawan kaikisa, witin ra kat luki uplika nani ba, traika kaikanka wina swaki sakisa, bara sin nusa saura dadaukra nani ba, pôt munuhntara bri kaia lâ tara yua ba kat.
-2 Pita 2:4, 9

"Sakuna man nani Dawan ra walras, ai lâka bila nani sin wali daukras kama kaka, witin man nani mampara kabia."
-1 Samyuil 12:15a

"Bamna ani uplika yang wal ban asla apia ba, saki latara lulkan kabia, bara lawbia sin dus tnawa kumi lawan wahbi, pauta ra lulkan ami ba baku."
-Jan 15:6

Sakuna mapara babura nani ba lika, aiska pali sauhki tikan kabia, saura nani yua tnata ba lika, sauhki tikan laka man kabia.
-Lawana nani 37:38

6 GAD WAL KAKAIRA TAKAIA KAKA YAWAN WITINRA PLIKAIA SA

Man nani ai plikma bara ai sakma, kan man kupi-
am aiska ni ai plikisma bara. -Jirimaia 29:13

Winam aiska wilinkira pliks... Baku mika Dawan
ra kulkanka laka ba kakaira takma, tanka brima
dia ba Gâd ra kakaira kaia ba. -Sins laka 2:4, 5

"Man nani makas, bara Gâd mita maikbia; pliks,
bara sakma; dur ra kingks, bara man nani ra kwa-
kan kabia." -Matyu 7:7

Upla kum kasak lukan laka apu kaka, witin ra
Gâd mita sip pain kulkbia apia. Kan ani uplika Gâd
lamara waia kaka, kasak lukaia sa Gâd ba bara sa,
bara witin ra pliki uplika nani ra sin mana yabisa.
-Hibru nani 11:6

"Latwan ai kaiki uplika nani ra, yang mita latwan
kaikisni; bara ya nani ai pliki ba ai sakisa."
-Sins laka 8:17

Dawan ba yamni sa, ya witin ra kasak luki nani
ra, ya witin ra pliki nani ba sin. -Inanka nani 3:25

"Witin upla kumi wina, nisan satka bani ba pas-
kan. Naha sut witin daukan, upla nani baha kaiki
witin ra plikaia, bara ban kra wal prawbia Gâd ba
yawan wina laiura apia sa baman."
-Wark nani 17:26a, 27

"Man wamtlika ra, yang Gâd ra kaikamna, bara
trabilki nani sut ai mihta ra swimna." -Job 5:8

GAD WANTSA YAWA NANI WITIN 7 RA BALBIA

"Kan Dawan man nani Gâdkam ba, kupia latwanki-
ra sa, bara upla ra kupia pihni laka brisa. Bamna man
nani ra mai swibia apia, man nani kli witin ra tauma
kaka." -2 Kronikas 30:9b

Dawan, man yamni sma, wan pâtka nani swih tiki
sma; mamra ai pura suni nani ba sut ra, latwan
kaikisma. -Lawana nani 86:5

Man nani Gâd lamara was, bara witin man nani
lamamra wabia. -Jems 4:8a

Dawan baha nani sut lamara sa, witin ra wini bang-
wi ba, baha nani sut kasak tanka ra witin ra wini ba.
-Lawana nani 145:18

Dawan aisisa: "Man nani bal, naha laka na aisi
kaikaia. Man nani saurkam ba tala pauni kabia sin,
kwala pihni wahmuk baku daukamni; siksa mâka
pramka ra alkan ba baku kabia sin, bîp tyalka laya
baku pihni daukamna." -Aiseya 1:18

Warkkam bara karbankam mita mai swapkan nani
ba, sut yang ra bal, bara yang mita maikamna wing-
ka puhbaia. Twilkaika puramra sunisna ba man nani
bris, bara yang wina lan taks, kan yang lika praut
apu, kupi sin bauikira sna, bara man nani wingkam
puhbra ba brima. -Matyu 11:28, 29

"Baha nani yang ra aula ba, yang sip kangbi sakam-
na apia pali." -Jan 6:37b

Diran dauki nani sut ra wisa: "Man nani bal li nara
sa dis; lalah apu nani, man nani sin bal, mana luha
plauar pis; wain laya, tyalka laya sin, mana luha
bris." -Aiseya 55:1

8 GAD BA HOLIKIRA SA

"Dawanki, gâd wala apu sa man wal mai prakaaia...
saurka laka apu ba." -Impakan sturka 15:11a

"Dawan, wala kum man huli sma ba baku apu sa!"
-1 Samyuil 2:2a

Lukaia apia sa Gâd karnika sut bri ba, saura dauk-
bia, kasak apia ba sin daukbia. -Job 34:10b

"Huli, huli, huli karnika sut brî Dawanka ba; tasba
aiska ba ai prana ni bangwan." -Aiseya 6:3b

Kan witin lai purara iwi ba, ban kaiara raya ba,
witin ai nina ba huli, witin aisisa: "Yang lika waitla
lai purara hulikira bara iwisna." -Aiseya 57:15a

"Yamni ba kumi man sa, wala apu, baha ba Gâd
sa." -Mark 10:18b

"Dawan, ya man ra siam briras kabia? Ya sin man
ra mamyunras kabia? Kan man baman sika huliki-
ra." -Param marikan 15:4a

Witin ai nina ba mayunan kabia, witin ba tara bara
sîbrinkira; Gâd hulikira sa! -Lawana nani 99:3

Man nani Dawan ra mayuns, ... nina hulikira ra ai
mawan ra lulam kriki bas! Yawan wan Dawanka,
witin ba huli sa! -Lawana nani 99:9

"Huli, huli, huli, Dawan, Gâd karnika sut bri ba,
witinka kan wina bara kata ba, bara ban ba, bara
naika balaia ba!" -Param marikan 4:8b

GAD UPLIKA NANI BA HOLI LAKARA 9 AI RAYAKA BA BRIH IWAIA SA

Man kasak lukisma Gâd kumi baman bara sa bara
baha ba aitani daukisma; sakuna ulasa nani ba sin
kasak lukisa, bara sîbri tatatwisa. Sakuna, man up-
la sinskas kapara, bara kasak lukan laka bri ba,
daukanka yamni ba wal sa, kasak lukanka mari-
kras kaka, baha ba diara kum pruan sa. Sakuna
sturi yamni na walaia baman apia, dia wi ba alki
daukaia sa; kan baku daukras kaka, winam ra ku-
nin munisma. -Jems 2:19, 20; 1:22

Upla watauikira daukanka ba, Dawan mita saura
pali kaikisa, sakuna witin kasak lâka ra iwi uplika
ra, witin latwan kaikisa. -Sins laka 15:9

Sakuna upla kum wibia: "Yang lika witin ba ka-
kaira sna," kuna ai laka bila wali daukras sa kaka,
baha uplika ba kuninkira bara diara kasak ba tan-
ka witin ra apu sa. Baha mita yawan param kaikisa,
Gâd luhpia nani ba ya sa, bara debil luhpia nani ba
sin, kan ani uplika diara yamni daukras ba ai muh-
ni ra sin latwan kaikras ba, witin lika Gâd luhpia
apia sa. -1 Jan 2:4; 3:10

Man nani upla sut wal kupia kumi laka bri kaia trai
kaiki bas, bara rayakam ba sin hulikira bri kaia trai
muns; kan huli laka apu kaka, upla kumi sin Dawan
ba kaikbia apia. -Hibru nani 12:14

Sakuna man nani dia daukisma ba sut hulikira
lâka ra dauki bas, Gâd witin ka mai paiwan ba huliki-
ra sa bamna. -1 Pita 1:15

Dawan tempelka ra, ya takaski kaia sip sa? Witin ai
mita ai kupia lukanka nani, taski apu bri ba.
-Lawana nani 24:3b, 4a

10 GAD DIARA NANI DAUKAIA ADARKA YABI BA

Dawan man ra pát mai win, dia ba yamni daukaia tanka bara dia man wina bila kaiki ba. Bamna naha pali sika man daukaia witin mamkabi ya ba: kasakka laka daukma, kupia pihni laka ba, latwan kaikma, bara Gâdkam mawan ra bauikira kaia sma. -Maika 6:8

“Man nani huli kama, kan yang, Dawan Gâdkam huli sna baku.” -Libait laka 19:2b

“Dawan Gâdkam ra latwan kaikma, kupiam aiska, solkam aiskakira, karnikam aiskakira, bara sinskam sin aiskakira; bara uplikam ra sin latwan kaikma man winam ra latwan kaikisma ba baku.” -Luk 10:27b

“Man, Gâd laka nani ba pain kaikisma: ‘Upla ikpara, marit laka sauhkpara, implikpara, upla nina ra kunin aisapara, upla ra kunin munpara, aisikam, yaptikam wal ba pain kulks.’” -Mark 10:19

Bamna kli naha tasba laka tanka ba kat iwi kapara; sakuna lukankam pali ba lakma, bara baku mika rayakam aiska ba tauan kabia. -Rom 12:2a

“Pyua bani Dawan laka bila wauhkataya ba aisi kaiki bas, kakna bara tihmia bahara dia daukaia ulban ba dauki kaia dukyara. Baku diara sut daukisma ba, yamni man takbia.” -Jasua 1:8

“Man nani Gâd ra kasak lukan laka bris.” -Mark 11:22b

“Dawan Gâdkam ra puram suni mayuni bas.” -Impakan sturka 23:25a

GAD BRIN DAUKRAS DUKIA NANI BA 11

Diara 6 apia kaka 7 bara sa, Dawan mita aiska misbara kaiki ba. Ai nakra praut lakara kaiki ba, twisa kunin aisi ba, mihta nani sin tala pátkas laiki ba, lukanka saura daukaia luki paski ba, mina nani aihni diara saura daukaia brih wi ba, Witnis kuninkira ai bila wina kunin man aisi ba, bara ani uplika tuski unsaban daukisa ai muihni nani tilara.

-Sins laka 6:16-19

“Kan Dawan ba wapni lakara latwan kaiki sa, bara impliki upla iki ba misbara kaiki sa.”

-Aiseya 61:8a

“Sakuna sîbabrira nani ba, kasak lukras nani ba, uya saura takan nani ba, upla aîkra nani ba, taski laka baman dauki nani ba, sukia warkka dauki nani ba, aidul nani ra ai pura suni mayuni nani ba, bara kuninkira nani ba sut sin, witin nani lika pauta lankni sulpa ni klauhwi bara waia kabia; baha sika prura wala ba.” -Param marikan 21:8

Bamna man nani lukankam pali wina luki kaiks: Man wahma katma ra maîam wal lâ daukram ba krikpara! “...Dawan Gâdka karnika sut bri ba aisisna.” -Malakai 2:15b, 16a

“Bara pana, pana saura munpara, swir taki kunin aisapara. Kan baha sut yang misbara kaikisna. Yang, Dawan, kasak aisisna.” -Sakaraia 8:17

“Man nani sika upla nani mawanra winam kasak-kira sakaia lihki bangwisma ba, sakuna Gâd lika upla nani kupia ba kaikisa; bamna upla bui tara kulki nani ba, Gâd mita lika baha nani ba bahki kulkisa.” -Luk 16:15b

12 UPLA NANI BA GAD KUPIA LAKA SIP DAUKRAS

“Baha purkara, yang man nani tankam ba pain kaikisna man nani, Gâd ra latwan kaikras sma ba.” -Jan 5:42

Ya lâ aiska ba wina, kumi ra sim kulkras kaka, witin lâ bila ba sut krikisa. -Jems 2:10

Bara yang wiri: “Alakai yang umpira, yang pruamna! Yang na upla kum uni nani taski, upla un taski nani tilara iwisna; bara yang naikra nani karnika sut brî, Dawanka ba kaikri bamna.” -Aiseya 6:5

Ya yamni daukaia kaikisi daukras kaka, witin saura daukisa. -Jems 4:17

Ulbanka nani ba wisa: “Upla yamni dauki ba apu sa! Kumi sin apu sa!” -Rom 3:10

Kan upla sut saura yan bara Gâd mawan wina sin laiura takan. -Rom 3:23

Kan ani uplika diara yamni daukras ba ai muihni ra sin latwan kaikras ba, witin lika Gâd luhpia apia sa. -1 Jan 3:10b

Yawan nani sut, syîp baku wan mawahkan, kumi bani ai yabalkara taui wan. -Aiseya 53:6a

“Ya sip sa naha sat Dawan hulikira na mapara buaia?...” -1 Samyuil 6:20b

Lai kasbrika pura pali ba wina upla nani tasbara ba kaikisa, ban kra upla kumi pan diara tanka kaikaia brisa sapa, upla kum pan sika Gâd ra pliki ba bara sa sapa. Ban sakuna sut lika Gâd yabalka kat waprâs; sut ba wala wal baku yabal tnayak man wapan; upla yamni dauki ba apu sa apia kumi sin apu sut saura takan! -Lawana nani 53:2, 3

WAN MIHTA WARKKA NANI BA GAD 13 KUPIA LAKA APIA SA

Witin nani helpka ra aisaia sip sna, witin nani Gâd warkka daukaia brinka ba tara pali brisa; sakuna baman baha brinka ba kasak tanka ni tanka briras sa. Sakuna Gâd upla ra pátka wina pri saki ba witin nani baha kaikras, baha mita witin nani ai natka bak swak takaia pliki sa, Gâd daukan bara bauraskira. -Rom 10:2, 3

Yawan sut na upla sakwani kum baku sa; yawan wan warkka pain nani sut ba kwala taski kum baku sa. -Aiseya 64:6a

“Yang raya kaia pramiska yabuna upla yamni kum ra, bara witin bahara ai kupia yamnika tniwi, saura daukbia, diara yamni daukan kum sin kulkamna apia, kuna saurka daukan ba mita prubia.” -Isikiel 33:13

Baha mita, wina tara brinka kat baman luki uplika nani ba, Gâd kupia laka sip daukras sa. -Rom 8:8

Kan Gâd ba upla kum ra sin pri sa wiras sa lâ aiska ba daukan wisa. -Rom 3:20a

Yang nani karniki ni diara daukaia sip sna ba mita lika apia sika; sakuna, Gâd ba mita sika yang nani diara sut daukaia sip sna ba. -2 Korint 3:5

Baha lika param pali sa, upla kumi sin apu sa, lâ dia wi ba kat dauki bamna, Gâd mita kasakkira kulki ba; kan Ulbanka ba wisa: “Gâd mita kasakkira kulki uplika ba, kasak lukan laka mita raya kabia.” -Galesha 3:11

14 SAURKA LAKA MITA GAD WINA WAN DAKBI WAN SAKISA

Baku bara, saurka ba upla kumi taka ba mita upla sutra luan, bamna saurka ba mita prura balan, bara prura ba upla sutra alkan sa, kan upla sut saura daukan bamna.
-Rom 5:12

Naha brinka saura nani wina sika saura laka takisa; bara saurka ba tara pawan bara, prura ba aula.
-Jems 1:15

Sakuna man nani, watauikam laka nani ba mita Gâdkam wal aihka dakbi mai sakan, saurkam nani ba mita, witin ai mawan ba man nani wina yukukan mai walaia apia lukan.
-Aiseya 59:2

Kasakka lâka nina ra wama kaka, rayakaia laka ra wan brihwabia, sakuna saura laka nina bliki uplika lika, pruaia man plikisa.
-Sins laka 11:19

“Gâd ba naku wisa: ‘Diakan man nani laika bila walras sma? Man nani bui pliki bangwisma Dawan lauanka ba? Man nani bui ai lulki ai swiram, bamna yang sin man nani ra mai lulki swimni.’ ”

-2 Kronikas 24:20b

“Witin mapara bui uplika nani ba saura daukisa, sin sukia yapikakaira nani saurka ba wal kumi sa; diara lilka daukan nani ra ai pura suni ba saurka wal sin kumi sa, baha uplika witin ra ai bila wali daukras saurka ba. Man witin ai lâka bila nani lulki swiram ba mita.”

-1 Samyuil 15:23a

“Sakuna baha pyua balbia bara, yang witin nani lama wina kau kitwi takamna, saura nani dauki kabia ba mita.”

-Kli smalkan 31:18a

“Ya saura dauki ba baman prubia.”

-Isikiel 18:20a

16 LA DAUKAIA YUA BA AULA

Upla bani ba aima kumi baman pruaia sa, bara baha ningkara Gâd mita laka daukbia.

-Hibru nani 9:27b

Bara pruan nani ba kaikri, tara nani bara sirpi nani, Gâd mawanra ai mina ra bui kan. Wauhkataya nani ba kwakan kan, bara wauhkataya wala sin kum, baha sika raya kaia wauhkataya ba. Pruan nani ba dia dauki kan ba kat laka daukan kata, dia baha wauhkataya nani ra ulban ba kat. Ani uplika nina raya kaia wauhkataya ra ulbras kan ba, pauta lakni lakunka ra lulkan kata.
-Param marikan 20:12, 15

Gâd rayakira ba mihta ra kauhwaia lika diara saura pali sa!

-Hibru nani 10:31

“Bamna yang mita naha mai wisna: Lâ daukan kabia yuara, upla sut ai bila swak taki aisin nani ba dukyara ai dahra sakaia kabia.”

-Matyu 12:36

Gâd wan daukanka nani sut ba laka daukbia, pain daukan apia kaka saura daukan ba, bara dia yukwan ra daukan ba sin.

-Smasmalkra 12:14

“Tasba tnatara sin sat baku kabia; insal nani ba taki wih, upla saura nani ba pain nani wina sait ra sakbia, bara saura nani ba pauta klauhwi watla ra lulkbia, bara baha ra sika inan kabia, ai napa nani sin arkbi kabia.”

-Matyu 13:49, 50

GAD LAWANKA BA SAURKA LAKA PURARA SA 15

Gâd lika lâ wihtka kasakkira ba, pyu bani watauika laka ba saura kulkisa.
-Lawana nani 7:11

Naha dukia nani na mita, Gâd ai lauanka tara pali brihauka, ai bila walras uplika nani ba purara.

-Kolosi 3:6

Bamna yawan kaikisa, Gâd lauanka tara sibrinkira pali ba kasbrika pura wina aula, upla saura kasak apia nani ba pura ra, baha nani ai watauika laka ba ni kasakka laka tanka ba briaia apia dauki sa.

-Rom 1:18

Rau sauhkan lâka satka nani sut ba ni bangwan sa lâ saura nani gridi laka bara lukanka saura, tuman lâka bri nani, upla aïkra, unsasabra, kunin mamunra nani, saura dadaukra, bara upla nina aisasara. Witin nani upla wala nani dukyara saura aisi sa, Gâd waihla nani, saura aisasara nani, diara lalihkra nani bara kakalwra nani, saurka laka satka nani daukaia pliki saki ba, ai aisika nani bila walras, sins laka aitani briras nani, ai bila aisi ba kat daukras nani, upla wala ra latwan kaikras nani, upla wala pátka swih tikras nani, bara umpira kaikan laka luha nani. Witin nani pain kaiki sa Gâd lâ mangkan sa, ya naha sat dukya nani dauki ba pruaia aitani sa; ban sakuna, witin nani mita ban daukisa, bara upla wala nani dauki ba sin pain lukisa.

-Rom 1:29-32

Baku bamna, saura dauki nani ba mapara pat wauhwaia laka bara latwan wauhwaia laka sin bara kabia.

-Rom 2:9a

YAWAN SIP GAD MAWAN WINA YUKURAS 17

Tasba banira, Dawan nakra bara sa; saura nani, yamni nani sut purara aihwaki kaikisa.

-Sins laka 15:3

Dawan, man yang tainka plikram, bara ai kaikisma. Man yang daukanki nani sut ba kaikisma; yang kupi ra lukisna ba, man lai wina kaikisma. Man yang impakanki nani sut ba kaikisma, dia daukisna ba sut sin kaikisma! Bila kumi sin yang aisaia apu sna, bara man, Dawan, baha sut ba kat kaikisma.

-Lawana nani 139:1-4

“Yang lika waitna diara kaiki ba baku kaikras; upla lika mawan painka ra baman kaikisa, sakuna yang lika kupia kat kaikisna.”

-1 Samyuil 16:7b

Kyama nani paskan ba sip apia sma ki diara nani walaia?

-Lawana nani 94:9

“Daukankam nani sut kaikisna; diara kumi sin yang wini yukwanra apu sa, saura nani daukisma ba yukwanra apia sa kaikisna.”

-Jirimaia 16:17

Gâd wina yukwaia dukya kumi sin apu sa. Diara paskan ba sut param sa bara witin ai nakra ra kwakan sa; witin ka ra sika yawan wan dahra nani saki aisaia ba.

-Hibru nani 4:13

“Tihmia tara, kau tihmu ba apu sa bara saurakira kum ra yukukaia.”

-Job 34:22

18 YAWAN NIT SA SAURKA BA SWIAIA

“Yang brinki apia sa saurakira ba prubia, kuna ai daukanka ba natka wala takbia bara raya kabia. Yang, Dawan ba, naku aisisna.”
-Isikiel 18:23

“Yang mai wisni, apia; man nani sin saurkam nani wina Gâd ra kupiam lakras sma kaka, sut tanis tiwma.”
-Luk 13:3

Ani uplika ai saurka nani pura biki ba, ai bisniska ba sip yamni takbia apia; sakuna baha nani ai dahra sakisi mahka swi ba, saurka swih tikbia.

-Sins laka 28:13

“Bahamna nanara Dawan naku param pali aisisa, man nani kupiam brinka aiskakira, kli yang ra tau bal. Kaiki plun wauhwi bangs, kisbi wini bangs bara sin namkra laya sarikira bal!” Man nani, Dawan Gâdkam ra kli tau bal, bara kupiam brinka saura ba kalki saks, pramka kalkaia watlika ra, Dawan ba kupia lukra swapni lupia sa, umpira kaikan laka sin brisa, ai kupia alki takaskisa, latwan kaikan laka sin marikisa.

-Joel 2:12, 13a

Man nani Dawan ra kli tau bal bara naku witin ra puram suns: “Yang nani wataui daukri ba sut ban ai kulkpara, bara man ra mamunyi makabi puri suni bangwisna na.”

-Husiya 14:2a

Bara wibia: “Saura yari tanis laka nani ba daukri, sakuna Gâd klala aikaia brin daukras kan. Ban sakuna, prura wina swaki ai sakan, bara nana ra kat sin ai ignika ba kaikaia sip sni.”

-Job 33:27, 28

“Saurkam ba swis, bara man nani klauna sauhki maitikaia pátka ba brima apia.”

-Isikiel 18:30b

WAN KUPIA LAKANKA WAL WAN 19 SAURKA BAN SWIH TIKISA

Saurakira ai yabalka ba yarka swibia, bara upla watauikira ba sin, ai kupia lukra nani ba swibia; bara man nani Dawan ra kli tau bal, witin nani umpira kaikan laka bribia; yawan wan Gâdka ra, witinka wan saurka swi tikaia laka tara bri ba.

-Aiseya 55:7

Kupia lukra kriwan bila kaikanka sin apu takan uplika ba lamara Dawan bara sa, witin baha uplika nani ba swaki sakaia dukiara.

-Lawana nani 34:18

“... witin nani ai daukanka saura ba swibia kaka, witin nani ai watauanka... nani ba ban swih tikamna.”

-Jirimaia 36:3b

Saurki daukri dahra, yang, man ra param mai wiri; wataui daukri ba man ra yukukras kupi wal lâ daukri ba, “lâ krikanka daukri daihra ba sut man ra sakri,” bara Dawan man, pátki nani ba sut ban swin tikram.

-Lawana nani 32:5

Sakuna Gâd ra wan saurka nani dahra sakbia kaka, yawan sip sa kasak luki kaia, dia kasak ba witin daukbia; wan saurka nani sut sa swi tikbia bara wan watauanka laka sut ba wina sikbi klin wan sakbia.

-1 Jan 1:9

“Baku bamna, man nani sut daukankam saura nani wina mahka Dawan ra taus, bara mika saurkam nani sut ba diki sakan kabia.”

-Wark nani 3:19a

Dawan dia aisabia ba walamni, kan ai uplika ra baman, kupia kumi laka ra aisabia bamna, witin ra kasak luki nani ra baman, kli witin nani sinskas kra takbiara.

-Lawana nani 85:8

Wan kupia lakaia tanka ba saurka ba swiaia, Gad ra wan saurka dahra saki muni.

20 SAKRIPAIK KUM DAUKAIA NIT KAN GAD WAL KUPIA KUMI LAKARA WAIA DUKIARA

(Wahya 14 ra ulban ba wal praki kaiks.)

“Witin ai mihta ba, daiwan lal pura ra kahbia. Baku daukbia bara, Dawan baha prisantka ba yamni kulki bribia, ai saurka nani ban swih tikan kabia. Ai rayaka bri nani ba sut, tala bri ba mita raya sa. Baha mita yang man nani ra mai wiri, tala ba ni baman altarki pura ra laiki upla saurka nani dauki ba pura mana aibapaia, kan tala ba sika upla rayaka mana aibapi ba.”

-Libait laka 1:4; 17:11

Lâ bila wisa, diara nani aihkika ba tala ni klin daukan kaia sa; bara tala saki laikras kaka, saurka nani ba sip swih tikras sa.

-Hibru nani 9:22

“Daiwra ba, syîp sapa guts sapa, kum bribia, mani kum bri ba. Bara tala durkam nani pura ra, durkam playka nani ra yukram ba mita mairikbia, man nani baha watla ra dimisma. Bara tnamyak lui wamna, baku yang Idsipt uplika nani luhpia tawahkia nani baman iki lui wamna. Sakuna man nani luhpian nani lika, kumi sin ikamna apia.”

-Impakan sturka 12:5a, 13a

Aisak bila: “Kais yawan nara pauta klauhan bara pauta ba sin brisa, sakuna, syîpka ba anira sa, baha wina aiska angki sakripais daukaia ba?” Bara Ebrahim pana witin ra win: “Yang luhpi, Gâd mita syîpka ba sâkbia, baha wina aiska angki sakripais daukaia dukya ba.” Bara Ebrahim ai lal bukan bara ai nina ra tau kaikan bara kais; syîp waihtka kum kyaya tilara bara sa, aringka ra kiwa ni aiblakwan; Ebrahim wan bara syîpka ba alkan, bara baha wina ni, aiska angki dauki yabaia sakripaiska ba daukan, ai luhpia watlika ra.

-Blasi sturka 22:7b-8a, 13

JISAS KRAIST BA SHIP LUPIA 21 GAD MITA YABA BA

Yaprika wala, Jan kaikan Jisas witin ra aula kan, bamna upla nani ra nan win: “Kais man nani, naha waitnika aula na sika, Gâd Syîpka Luhpia, naha tasba saurka bri saki ba.”

-Jan 1:29

Sakuna Dawan ba, yawan nani sut wan saurka ba, witin ai purara sunan.

-Aiseya 53:6b

Kraist ba Dawan wal aisaia watla ba kat dimi wan, bara guts lupia nani bara bip waihtka nani talya sin sakripais yabaia wisi dimras kan, sakuna ai talya pali; bara ba ni aima kumi baman dimi wih ban kaia swaki sakan laka ba alki yawan ra wankan. Baku watlika ra, pyua nani na pat aimaki nara, Kraist ba aima kumi baman latan takan ba, baha ba ban kaia ra aitani sa. Baku sin, Kraist ba aima kumi baman sakripais dauki yan kata, upla ailal saurka nani brih sakaia dukyara.

-Hibru nani 9:12, 26b, 28a

Bamna Gâd ba baha rayaka bahki, almuk nani wina briram ba tila wina swaki mai sakan; bara man nani pain kaikisma, wan swaki sakan mana ba lika, ... man nani ba Kraist talya manakira ni pri mai sakan, witin ka syîp ai taya ra watauan apu bara, taski sin apu baku kan ba.

-1 Pita 1:18a, 19

Sakuna baku sa kaka, Kraist talya ba kau karnika tara pali brisa! Ban kaia Spiritka bak, Kraist witin ai wina tara pali ba sakripais taski apu baku dauki, Gâd ra yaban. Witin ai talya ba mita wark bahki nani ba wina wan kupia dara wal ra ba klin daukisa, yawan Gâd rayakira dukya nani ba daukaia sip kabia dukyara.

-Hibru nani 9:14

22 SUAKI SAKAN LAKA BA GAD LATWANKA WINA BALAN

Kuna Gâd ai latwanka tara ba mita, ban mana apu kira baha nani ba kasak kira kulkan sa, kan Kraist Jisas bak upla sut swaki sakan sa. Gâd mita Kraist ba saurka mana sakripais kum baku mangkan witin pruanka bak, bara naha na ai karnika brisa kasak lukan laka ba mita. —Rom 3:24, 25a

Sakuna Gâd ai latwanka tara ba wan marikisa: yawan kan upla saurakira nani kan, sakuna Kraist lika wan tawan pruan. Bara nana ra, Kraist pruanka ba mita Gâd mita pri mai sakan sa, bara kau pali Gâd lauanka ba wina sin Kraist bak pri mai sakan kabia. —Rom 5:8, 9

Bamna Gâd latwanka laka ba mita sika, man nani swaki mai sakan ba; kasak lukan laka bak. Naha tanka na lika, man nani mita dia kum daukram ba mita lika apia, sakuna baha lika Gâd mita ban prisant maikan sa. —Epesus 2:8

“Bamna patitara pyua ba wina, dahra aisasara nani sin Jisas tanka naku aisin: ‘Ya, ya witin ra luki ba, ai nina karnika ba mita saurka nani sut swih tikan kabia.’” —Wark nani 10:43

“Upla wala bak swaki wan sakan laka briai ba apu sa, kan Gâd mita naha tasba ra nina wala kum maki wankras sa, swaki wan sakaia ba dukyara.” —Wark nani 4:12

Gâd latwan pali wan kaiki ai Luhpia ai talya laiki, pruan ba talia ra pri wan sakan sa, bara yawan saura daukan, pâtka ba swin tiwan sa. —Epesus 1:7

KRAIST AISUBI TAKANKA BA 23 MAISA PAKAN KAN

Gâd mita insal Gebrîel ba saki blikan, Galili taunka kumi nina Nasaret wi bara, mairin tyara kumi ra, nina Meri. Witin ba sin waitna kumi Debit kyamka wina nina Josep wal marit takaia lâ daukan kata... Bara insal ba bila: “Sîbripara, Meri, Gâd mita man ra yamni pali mai kaikan sa bamna. Man kwihra tiwma, bara luhpa waitna kumi brima, ai nina Jisas makma. Witin lika tara pali kabia; Gâd Lai Purara iwi ba Luhpia makan kabia,...bara ai kingka laka ba sin tnata apu kabia.” Bara Meri insal ra makabi walan: “Nahki naha diara na takbia, kan yang kau maî apu sna na?” Pana insal ba bila: “Spirit Hulikira ba man puramra balbia, bara Gâd lai purara ba karnika kasbrika baku mamdiskbia. Baha mita, man wina tukta hulikira aisubi takaia ba lika Gâd Luhpia makan kabia... Gâd mapara sip apia dukya apu sa.” Bara Meri bila: “Yang na Gâd napakanka mairin sni; bamna man ai wiram ba kat Gâd yang ra daukbia.” Naha ningkara, insal ba mahka wan. —Luk 1:26b-38

Waitna wal baman naha tasbara baldiman upla ai maya wal asla takan natkak ku apia. Baha nani ba Adan Bara Kraist Adan naha tasba ra saurka brih balan, kuna Jisas saurka ra pura luanka brih balan.

24 KASAK PALI YA SA KI JISAS KRAIST BA?

Kraist Jisas...witin ba sika Gâd kan, sakuna ai karnika wina Gâd wal baku ban pali kaia lukras kan. Sakuna baha watlika ra, witin ai dukya kan ba tna-yara swisi, alba talia takan. Witin upla baku aisubi takan, bara upla baku pali takan; witin bauikira kan, bara ai kyama lihni kan ba mita prura kat wan, bara baha sika witin dus prihni ra pruan ba. —Pilipai 2:5b-8

Bara kasbrika purara ba wina bila baikra kum walan, naku aisisata: “Naha sika Luhpi laitwankira; witin sika bak saki briri ba.” —Matyu 3:17

“Yang na Aisa wal kumi pali sni. ‘Bamna Gâd mita bak saki naha tasba ra ai blikan kaka,’ ‘nahki man nani wiaia sip sma,’ ‘yang Gâd Luhpia sna’ wiri ba wal ‘ai mapara saura aisari?’” —Jan 10:30, 36

Jisas Kraist Bankaiara Bila ba, kaina wina bara kan. Gad mita *mirikal* kum daukan bâk ku ai yaptika Mery biara ra kuihra aimakan. Upla baku. Witin ra Upla Luhpika Waitna baku kakaira sa, bara Spirit tanira Gad Luhpia baku kakaira sa. Ulbanka nani ra “Luhpia” bila ba yus munisa Gad bara Ai Bila—Jisas Kraist wal ai tanka briba marikaia dukiara.

Baha mita, Kraist ba naha tasba ra aula kan bara, witin Gâd ra wisata: “...sakuna yang dukira wina tara kum ridi daukram sa.” —Hibru nani 10:5

Sakuna hulikira saki spiritka ba mita witin pruan ba wina kli bukan bara, pawma marikan sa karnika nani sia witinra yaban sa. —Rom 1:4

Tamas mita pana win: “Yang Dawanki bara yang Gâdki!” —Jan 20:28

KASAK PALI YA SAKI JISAS 25 KRAIST BA?

Upla kumi mita sin Gâd ra luki kaia, dahra prakan tanka tara ba sip apia wiras: Gâd ba upla baku latan takan. —1 Timoti 3:16a

Bamna Gâd tanka aiska ba, Kraist upla takan ba mita wan marikisa. —Kolosi 2:9

Kan tukta waitna kumi wan dukyara aisubi takan, Dawan yawan ra luhpa waitna kum wankan sa, witin ra king kaia karnika yaban sa. Ai nina ba makan kabia: Aihka pranakira, lâ smasmalkra, Gâd karnakira, ban kaia Aisika, kupia kumi laka Kingka. —Aiseya 9:6

Jisas pana win: “...Ebrahim kau aisubi takras kan ba wina, yang pat bara sni.” —Jan 8:58

Witin ra raya kaia laka ba bara kan, bara naha rayaka na sika, upla nani ingnika kan. Ingnika kasak pali upla sut ra ingwi ba, naha tasba ra aula sa. Baha Bila ba, naha tasba ra kan; Gâd mita witin-ka bak, naha tasba na paskan, sakuna naha tasba ra iwi nani ba mita, witin ra kaikras kan. —Jan 1:4, 9-10

Gâd kumi baman bara sa, bara Gâd, witin upla nani wal asla kumi dauki ba sin kumi baman sa; baha sika Jisas Kraist, bara witin ba sin upla sa. Jisas Kraist ai wina tara ba prura mihta ra mangkan, upla sut swaki sakan kaia ba mana aiba-paia dukiara. —1 Timoti 2:5, 6a

“Witin ai pruanka ba mita swaki wan saki, wan saurka nani sut ban swih tikan. Wan nakra ni sip kaikras Gâd ka ba ai Luhpia bak yawan ra param takan.” —Kolosi 1:14, 15a

26 BAIBIL BA (ULBANKA NANI) GAD BILA SA

Kan dahra aisasara nani lika, aima kumi sin upla laka kat ai kupia wina diara saki aisaras kan. Sakuna, witin nani lika upla nani kan, bara Spirit Hulikira mita, ta brikan ba mita Gâd wina diara barih aisi kata. -2 Pita 1:21

Patitara pyua wina witin baku pramis daukan, ai dahra aisasara hulikira nani bak, ... bara yaka ai uplika nani swaki sakan laka ba kaikbia, ai saurka nani swih tikaia laka ba sin. -Luk 1:70, 77

“Dawan Spiritka ba yang bili bak aisisa; ai bila aisinka ba yang twisi ra sa.” -2 Samyuil 23:2

“Diara sut yang aisari ba sinskam ra ulbi mangkma.” -Kli smalkan 6:6

Ulbanka aiska ba Gâd winka puhbra mita sika, bara baha ba yamni sa upla ra smalkaia bara laui daukaia, swakwanka nani ba wapni daukaia, bara kasakka laka mapara upla ra smalkanka yabaia dukyara. -2 Timoti 3:16

Bamna patitara pyua wina dia, dia Ulbankara aisin ba, baha lika yang nani ra ai smalkaia dukya ra ulban, wihka bila kaikaia laka bri ba mita bara Ulbanka nani mita wan maisanihkan ba mita, wan kainara diara briaia ba luki kabia. -Rom 15:4

“Man nani lika tanis mamwaki sma, man nani sin Ulbanka ba tanka briras, Gâd karnika ba sin kaikras sma ba mita.” -Matyu 22:29b

Man ninam bara bilam aisinka ba diara sut purkara mangkram sa. -Lawana nani 138:2b

JISAS KRAIST BA GAD BILA SA 27

Bara kwala dimi kan ba tala baman bangki kan, bara ai nina makan ba lika: Gâd Bila. -Param marikan 19:13

-Param marikan 19:13

Tasba na kau paskras kan bara, Bila ba pat bara kan. Bila ba Gâd wal kan bara witin sika Gâd kan ba. Baha Bila ba, upla takan bara yang nani tilira iwan. -Jan 1:1, 14a

Jisas Kraist Gad Ba Param Mariki sa

Upla kumi sin Gâd ba kaikras pali sa, sakuna ai Luhpia kumi baman, witin sika Gâd, Aisa lama pali kat wal asla iwi ba witin mita sika, Gâd tanka ba wan marikan. -Jan 1:18

Tihmia ra ingwbia dukyara ingni blikan, Gâdka ba mita sika ai ingnika wan kupia ra yan ingwan, bara baku mika baha ingnika wal Gâd prana Jisas Kraist mawanra ingwi ba, yawan kaikaia. -2 Korint 4:6

Gad Jisas Kraist Ku Uplara Aisi sa

Patita ra pyua ra, ai dahra aisasara nani bak Gâd wan damika nani ra natka sat, sat ra aima ailal aisin; bara nanara naha tnata yua nani nara lika, witin mita ai Luhpia bak wan aisin sa. Naha Luhpia na bak Gâd mita tasba nani na paskan, bara diara nani sut ba witin mihta ra swin sa. -Hibru nani 1:1, 2

-Hibru nani 1:1, 2

“Ani uplika latwan ai kaikras ba, yang dia aisina ba kat wali daukras sa. Man nani yang wina smalkanka walisma ba, yang duki apia sa, sakuna Aisa ai blikan ba dukya sa.” -Jan 14:24

28 BILA ULBANKA WIHKI BILA RAYA IWI BA WAL PRAKI KAIKAN KA

Baibil Ba Wan Solka Pata sa

Dia lâ mangki aikan ba kat daukaia muni sni, yang kupi laka kat lika apia. -Job 23:12b

“Upla ba brit mita man raya kabia apia, sakuna Gâd aisi bila ba wal sin.” -Matyu 4:4b

Jisas Kraist Ba Heven Bredka sa

“Bara yang pali na sika, baha rayaka britka kasbrika purara ba wina bal iwan ba; ya naha britka na pibia kaka, ban kaiara raya kabia. Baha britka yang mita yabamna ba lika, yang pali wîni tara ba sika. Yang baha yabamna, upla nani sut raya kabia ba dukyara. Yang sika raya ban kaia yabi britka ba.” -Jan 6:51, 48

Baibil Wan Yabalka Ingni Dauki sa

Man bilam nani smalkanka ba ingni wankisa; ai dahra yamni walras nani ra isa diara tanka alkaia. -Lawana nani 119:130

Man bilam ba, yang mini nani lampka kum sa, bara ingni kum sa yabalkira. -Lawana nani 119:105

Jisas Kraist Ba Tasba Ingnika sa

Witin ra raya kaia laka ba bara kan, bara naha rayaka na sika, upla nani ingnika kan. Jisas kli upla nani ra aisi, win: “Yang sika upla nani ingnika, ya yang nini blikan ba, rayakaia yabi ingnika ba bri kabia, bara kli sin tihmia ra tauki kabia apia.” -Jan 1:4, 8:12

Baibil Ba Ma Ailal Yabi Rayaka Sakisa 29

Sakuna witin dawan lâka ra ai latwanka laka ba brisa; bara baha lâka dukyara kakna ra tihmia ra sin ai kupia wal aisisa. Bara baha uplika ba dus kum baku sa, awala lamara mangkan ba, ai pyua kat ai ma saki ba ai wahya nani ba sin srawas sa. -Lawana nani 1:2, 3a

Jisas Kraist Wan Rayaka Ra Ma Sakisa

“Bamna yang wal asla ban bangwi bas, yang man nani wal asla ban sna ba baku. Yang sika wain kiwka ba, bara man nani lika tnawa nani sma. Bara ani uplika yang wal asla ban ba, yang sin witin wal asla sna, bara baku lika witin ai mâ manis sakisa; baku bamna yang apu kira man nani sip diara daukras.” -Jan 15:4a, 5

ULBANKA NANI BA JISAS KRAIST DUKIARA WAN AISISA

“Man nani naha Ulbanka nani na, aman kaiki tanka laki kaikma kaka, baha ba wina raya ban kaia ba briaia lukma; ban sakuna, Ulbanka nani na sika, yang dukira aisi sa. Bamna man nani Moses dia aisin bara kasak lukras kapram, yang ra sin kasak ai luki bangwaia apia kapram, kan Moses mita yang dukira ulban sa.” -Jan 5:39, 46

Bamna mahka Ulbanka nani witin ai tanka aisi nani ba saki tanka smalkan, Moses wauhkataya nani wina ban dahra aisasara nani ulbanka nani ba kat. -Luk 24:27

Kan tuktan lupia pyua wina man ba Ulbanka huliki-ra nani kakaira sma, bara baha nani mita sins maikaia sip sa, bara Kraist Jisas ra kasak lukan laka bri mita, baha nani sin swaki mai sakaia sip sa. -2 Timoti 3:15

30 GAD BILA BANKAIARA BA SIP AIHKA TAKRAS

Dawan, man bilam ba ban kaiara sa man bilam ba kasbrika purara ba, kat bapan sa. -Lawana nani 119:89

Kasakka laka ba sika man lâmkâ kupia bara lâ kasakkira aisi daukram bani ba, ban kaiara ban kabia. -Lawana nani 119:160

"Twi ba lawisa, tangni ba srauusa, sakuna yawan wan Gâdka bila ba ban bara sa ban kaiara." -Aiseya 40:8

"Kasbrika purara bara tasba na kau ban kabia pyua ra, mark lupia kumi, bila sainka lupia kumi sin lâ ba wina sakbia apia, dia, dia takaia ba takbia kat." -Matyu 5:18b

Bamna Gâd mita baha uplika nani ai smalkanka alki brin nani ba gâd nani makan sa. -Jan 10:35b

Baibil Ba Waitna Mita Sat Wala Daukaia Apia sa

"Ban main kaiki bri, yang dia mai wiri ba alki bri trai kaiks daukaia, pura prakaaia apia, dakbi sin sa-kaia apia." -Kli smalkan 12:32

Witin aisin bila nani ba pura prakpara, witin man ra laui mai dauki, kupia kraukbia ra sia, bara kunin-kira baku mai kulkbia. -Sins laka 30:6

Bara upla naha dahra aisin wauhkataya bila nani na wina diara kum dakbi sakbia kaka, Gâd mita witin ai dukia briaia ba dakbi sakbia. -Param marikan 22:19a

Bila smalkan nani ba wina kum bahki kulkbia uplika ba lika, ai bila saki inbia. -Sins laka 13:13a

JISAS KRAIST PRUANKA BA WAL GAD 31 PLAN KA BA DAUKAN TAKISA

"Aisa latwan ai kaikisa, kan yang rayaki ba yaia wilin sni, adar ba kat yang kli baha ba briaia dukyara. Upla kumi sin apu sa rayaki ba yang wina sakaia, yang kupi wilikira yamna kaka lika. Baha ba yang yaia sna, kli briaia ba dukyara." -Jan 10:17, 18a

Bamna Jisas pana win: "Man yang purira karnika kumi sin apu kawama, Gâd mita maikras kata kaka." -Jan 19:11a

"Kaikras sma ki yang sip sna Aisiki ra makabaia, bara witin sip sa naha pali pyua insal dakni 12 pura blikaia? Sakuna baku kaka, ulbankara baku takaia wi ba nahki aimakbia ki?" -Matyu 26:53, 54

"Kuna baku natka bak baman Gâd sip kan, witin ai dahra aisasara nani bak Mesaia ba pât wauhwbia dukya ra aisin ba, tnata alkaia." -Wark nani 3:18

"Blasi pyua wina Gâd mita ai Luhpia ba ridi dauki dia takaia kan ba pain kaikisi, man nani mihtam ra mangkan bara, witin ba silak ra mangkram, baha ningka ra upla watauikira nani mihta ra mangki brisi dus prihni ra sabi ikram." -Wark nani 2:23

Dawan baku lukan witin ba baku rausauhkan ni taibaia...saurka nani ba tawan sakripais daukaia, witin ai rayaka ba yari kabia bara ai kyamka nani ba kaikbia. -Aiseya 53:10a

"Bamna Misaia dukya apia kan ki naha patka nani wauhwi si, ai prana ra dimi iwaia?" -Luk 24:26

32 JISAS PRUANKA BA WITNIS NANI MITA AISAN SA

Implaplikra wal sin witin wal sabi bangwan, kumi ai aihkikara, wala ai smihkara. Baku sika Ulbanka ba aimakan, bara nan wih ba: "Witin ba watauikira nani tilara kulkan sa." -Mark 15:27, 28

Bamna suldawa nani wih, pas uplika kuhma dusa ba krikan, bara wala ba sin, Jisas wal dus ra saban kata ba. Sakuna Jisas lamara balan bara, kaikan pat pruan kata; baha mita suldawa nani mita witin kuhma dusa nani lika krikras kan. Sakuna suldawa nani ba wina kum mita, langsar ni tnaya mina ra sabi klauhban, bamna tala li wal takan. Baha uplika naha sturka aisi ba lika, witin pali mita ai nakra ni kaikan, bara diara kasak ba aisisa; bamna witin ai dara pain walisa, dia aisi ba lika kasak sa; bara baku mika man nani sin kasak lukma. Naha diara nani na naku takan, Ulbanka ra naku wi ba aimakaia dukyara: "Upla mita witin ai dusa kumi sin krikbia apia." Ulbanka walara sin wisa: "Upla nani mita witin ra saban ba kaikbia." -Jan 19:32-37

Bara tasba aiska ba tihmu tara takan, yu wan lal kat wina tutni 3 aklak kat. Jisas kli ai bila baikra tara wini si, pruan... Bara tasba ba nikban, walpa nani ba tar baiwan. Bara suldawa kaptenka bara wala nani Jisas ra aihwaki kan ba kira, tasba nikban bara diara wala nani takan ba kaiki, sibrin tara daukan, bara nan win: "Kasak pali naha waitnika na Gâd Luhpia kan!" -Matyu 27:45, 50-51, 54

Bara Ulbanka nani witin dukyara dia aisin ba sut daukan bara, witin ba dus prihni wina alahbi si raiti ra bikan kan. -Wark nani 13:29

JISAS PRURA PURA LUAN 33

"Sakuna Gâd witin ba prura karnika mununhta wina kli bukan, prura sip witin ba ai karnika mununhta ra taibi briras kan bamna. Bamna sin Jiskasika sika Gâd mita pruan kan ba wina kli bukan. Bara yang nani sut baha witniska nani sna." -Wark nani 2:24, 32

Utla uplika kum luhpia nani ba, sin wina bara sin talya brisa; baku sin, Jisas ba upla wina bara talya sin bri kan, bara baku lika witin sip kaia kan ai pruanka bani debil upla ikaia karnika bri kata ba, sauhki tikaia. Baku witin ba, baha nani ai rayaka yua nani aiskara prura sibrinka mita alba nani kan ba sut, pri sakan. -Hibru nani 2:14, 15

"Prura, pura luaia karnika bri katma ba anira sa? Prura, yang nani sairka paskaia karnika anira saki?" Sakuna Gâd ra tingki pali, witin ka mita wan Dawan Jisas Kraist bak pura luaia laka wanki ba! -1 Korint 15:55, 57

"Yang sika raya sna. Au, yang pruri kata, sakuna nana ra lika ban kaiara raya sna. Prura king aimaki tasbaia kika ba brisna." -Param marikan 1:18

Ban sakuna, sturi yamni ba tawan pât nani wauhwaia ba, man dukiam bris, Gâd mita karnika maiki ba kat...sakuna nanara wan Sasakra Jisas Kraist balan ba mita, naha latwanka laka na latan marikan sa. Kraist bui prura karnika ba sauhki tikan, bara sturi yamni bak, sip sauhki tikras, rayaka ba witin param marikan. -2 Timoti 1:8b, 10

Kan prura mita witin mapara karnika nan sin apu sa. -Rom 6:9b

34 YAWAN NANI KA DIA DAUKAIA KI JISAS BA WAL?

“Kais, yang dur ra kingbisna; ya yang bili baikra wali dur ba kwakbia kaka, ai watla ra dimi witin wal plun pimna.”
-Param marikan 3:20

Ban sakuna, upla kumi wark kumi sin daukras pali kuna kasak lukisa Gâd mita upla saurakira ba kasak kira kulkisa, baha uplika kasak lukan bamna, Gâd mita kasak kira kulkisa.
-Rom 4:5

“Man nani Spirit Hulikira ba bris. Makabi bangs bara barih, lilia ni aibangma ba dukyara.”
-Jan 20:22b; 16:24b

Bara man bilam ni, Jisas ba kasak Dawan sa aisisma kaka, bara kupiam ra sin kasak lukisma Gâd mita Jisas ba pruan nani tila wina bukan, man ba swaki mai sakan kabia.
-Rom 10:9

“Ya, ya ai aisika ra apia kaka ai yaptika ra yang purki ra latwan kaikisa kaka, yang upliki kaia sip apia sa.” Bara Jisas ai disaipelka nani ra win: “Ya yang nini blikan dauki kaka, witin ai wina ba kulkaia apia sa, bara ai dusa prihni ba barih, nini blikbia. Bamna ya, ya ai rayaka swaki sakaia lukbia ba, witin lika baha ba tikbia; sakuna ya yang taiwan ai rayaka tikbia kaka, baha ba kli bribia.”
-Matyu 10:37a, 16:24, 25

Bamna Kraist dukya sma kaka, man nani lika Ebrahim kyamka, bara Gâd diara pramis munan ba brima.
-Galesha 3:29

Witin nani bila: “Dawan Jisas Kraist ra kasak luks, man bara wamtla uplika nani sut.” -Wark nani 16:31

JISAS BÂKKU YAWAN RAYAKA 35 RAYA BRISA

Bara baha witniska ba lika Gâd mita raya ban kaia laka wankan sa, bara naha raya ban kaia laka na lika ai Luhpia ra sa. Ani uplika Gâd Luhpia bri ba, witin naha raya kaia laka na sin brisa.
-1 Jan 5:11, 12a

Sakuna Gâd lika umpira kaikan laka tara pali brisa... bamna yawan na Kraist wal aikuki asla raya kaia laka ba wankan sa, kau wan saurka nani taka mita pruan kan ba pyua ra.
-Epesus 2:4, 5a

“Yang lika Kraist wal dus prihni ra pruri; baha mita yang apia sika raya sna ba, sakuna Kraist sika yang ra raya iwisa. Bamna wini tara mapara yang raya sna ba lika, Gâd Luhpia ra kasak lukisna ba mita raya sna, witinka yang ra latwan ai kaiki prura mihta ra ban aimakan ba.”
-Galesha 2:20

Jisas Kraist ra raya kaia spiritka lâka ba mita, pri wan sakan sa saurka lâka ba prura lâka ba wina.
-Rom 8:2

Baku bara, ya Kraist wal asla takan sa kaka, witin lika upla raya kumi sa; diara almuk nani ba lui wan sa, bara nanara diara raya baman takan sa.
-2 Korint 5:17

Bamna man nani kli aisubi takram sa, aisikam upla ba wina lika apia, kuna Gâd bila raya iwi ban kaiara bara ba wina mika.
-1 Pita 1:23

Tukta swap lupia bisiura aisubi takan baku, plun mai dauki ba, spirit tyalka laya pali ba pliks, bara baha bak di pawma, bara swak takan laka, ba brima.
-1 Pita 2:2

36 GAD BA AISA KUM SA AI UPLIKA NANI MAPARA

Gâd ai tempelka huli ra iwi ba, witin sika rau nani aisika ba, bara sin pyarka nani ra ta babaikra ba.
-Lawana nani 68:5

Ban sakuna, Dawan, man sika yawan wan Aisika; yang nani na slaubla ba, bara man sika wan paski wan daukram ba; baku bamna yang nani sut na, man mihtam warkka nani sna! Man, Dawan man Dawan, man sika wan aisika; patitara wina man sika, yang nani sasakriki.
-Aiseya 64:8, 63:16b

Upla kumi sin, witin nani ba sip kulki sakbia apia. Witin nani ra “Man nani ba upliki nani apia sma” wiaia watlika ra, Dawan bui wibia: “Man nani ba, Dawan raya ban bara ba luhpia nani sma.”
-Husiya 1:10b

“Kan man nani ba saurakira sma sakuna luhpian nani ra diara yamni nani yabaia ba kaikisma, kau pali kasbrika purara ba diara yamni nani yabia, ya, ya witinra makabia bara! Baha mita, man nani naku puram suns: ‘Yawan Aisa kasbrika purara sma ba, ninam ba hulikira kulkan kabia.’”
-Matyu 7:11, 6:9

“Bara mika yang mita mai brimna, bara yang baman man nani Aisikam kamna, bara man nani ba luhpi waitna nani bara luhpi mairin nani sin kama. Dawan, karnika sut bri ba baku wisa.”
-2 Korint 6:17b, 18

Baha nani sut Spirit mita tapaki brihauya ba lika Gâd luhpia nani sa.
-Rom 8:14

JISAS BÂKKU YAWAN NUSA GAD 37 BA WAN AISA BA

Jisas bila: “Yang sika yabal ba, kasak tanka ba bara rayaka ba sin. Yang bak baman sip sa Aisa ra waia. Man nani yang na ai kakaira katma kaka, Aisiki ra sin kakaira kaia kapram; bamna nanara wina pat kakaira sma, man nani witin ba pat kaiki kapram bamna. Ani uplika latwan ai kaiki ba, dia aisisna ba kat wali daukisa, bara Aisiki mita latwan kaikbia, bamna yang Aisiki wal bal baha uplika ra takaskamna.”
-Jan 14:6, 7, 23b

Gâd ai Luhpia ba blikan... bara Gâd mita ai luhpia nani baku wan bribia dukyara. Bamna, yawan nani na ai luhpia nani sa ba tanka wan marikaia, Gâd ai Luhpia Spiritka ba wan kupia kat blikan; bara baha Spiritka Hulikira wan kupia nani ra winisa: “Yang Aisiki!” Baha mita, man lika, kli alba apia. Sakuna Gâd luhpia sma; bara Gâd luhpia sma baman, Gâd kupia laka sa man sin ai dukia nani ba dawanka kama. Kan kasak lukan laka ba mita man nani sut lika Gâd luhpia nani sma, Kraist Jisas wal asla takram ba mita.
-Galesha 4:4b, 5b-7; 3:26

Sakuna, ya nani witin ra brin; bara kasak sin lukan; nani ra, witin mita naha uplika nani ra, Gâd luhpia takaia karnika ba yan.
-Jan 1:12

Sakuna upla kumi saura daukbia kaka, wan tawan aisasara kum brisa aisa mawanra, baha lika Jisas Kraist, bara witin ba kasakkira sa.
-1 Jan 2:1b

Bamna Kraist ba mita, yawan Ju nani, Ju apia nani sut, Aisa lamara aula, Spirit kumi bri ba mita.
-Epesus 2:18

**38 JISAS WANKISA LATWAN
LAKA, LILIA LAKA, LAMAN LAKA**

Bamna ya latwan laka apu sa, Gâd kakaira apia sa, kan Gâd ba latwan laka sa. Gâd ba latwan laka; bara ya latwan lakara iwi ba lika Gâd ra iwisa, bara pana Gâd witin ra iwisa. -1 Jan 4:8, 16b

Sakuna, sut aikuki pain bangwi bas, pana, pana kupiam swapni bri bas, bara pana, pana walkam pâtka swih tiki bas, Gâd bui Kraist ra mai praki pâtka swih tikan ba baku. -Epesus 4:32

“Man nani pana, pana walkam ra latwan kaikisma kaka, upla sut kaikbia man nani ba yang disaipelki nani sma.” -Jan 13:35

Sakuna Spirit ai warkka dauki ba lika: latwan kaikaia, lilia kaia, kupia kumi kaia laka. -Galesha 5:22a

Ban sakuna baha sut purkara lilia laka ni aibangwamna yang Dawanki yang Sasakriki ba dukiara. -Abakuk 3:18

Rayakaia yabalka man mairikma: Man lamamra lilia tara bara sa; man mihtam aihkikara lilia pain nani ban kaiara bara sa. -Lawana nani 16:11

Baku bamna, kasak lukan laka ba mita Gâd mita kasak kira wan kulkisa, bara wan Dawan Jisas Kraist ba mita yawan na Gâd wal kupia kumi laka ba brisa. -Rom 5:1

“Man nani wina dakwi takuna kupia kumi lakara. Kupi kumi laka man nani ra maikisni, sakuna tasba uplika nani kupia kumi laka yabi ba sât lika apia. -Jan 14:27

Bara Gâd... naha kupia kumi laka na, man kupiam nani lukanka nani sin main kaiki kabia, Kraist Jisas wal asla. -Pilipai 4:7

**JISAS AI NINA BLABLIKRA NANI 39
BA KLI RAKI BUKBIA**

Jisas Kraist pruan nani tila wina bukan Gâdka Spiritka ba man nani ra raya sa kaka, sin Kraist pruan wina bukan Gâdka Spiritka ba winam tara pruikira nani ra raya kaia laka kli yabia, Spirit man nani ra raya iwi ba mita. -Rom 8:11

Bara Gâd mita Dawan ba pruan wina kli bukan ba baku, yawan ra sin ai karnika ni wan bukbia. -1 Korint 6:14

“Naha sika witin ka ai blikan kupia laka ba. Upla sut mita Gâd Luhpia ra kaiki kasak lukbia, bara baku mika raya ban kaia ba bribia; bara tnata yua ra yang mita pruan wina kli bukamna.” -Jan 6:40

Jisas pana win: “Yang sika kli buaia tanka bara rayaka ba sin. Ya yang ra kasak luki ba, prubia kra kuna raya kabia. Bamna baha nani kau raya ba pyua ra yang ra kasak luki ba, prubia apia ban kaiara.” -Jan 11:25, 26a

Kan upla kum taka mita prura ba tasba ra balan ba baku, upla kum taka mita sin pruan nani kli buaia tanka ba balan. Adam daukan ba mita upla sut pruan ba, baku sin Kraist daukan ba mita upla sut raya kabia. Sakuna kumi bani ai pliska mangkan ba kat: Kraist ba sut taura; baha ningka ra, Kraist balbia bara, witin uplika nani ba. -1 Korint 15:21-23

“Bara raya kama kan yang raya sna bamna.” -Jan 14:19b

Yawan na pat Kraist wal pruan sa kaka, kasak luki kaia yawan witin wal baku raya kabia. -Rom 6:8

**40 NAHA SUAKI SAKANKA TARA
NA AMIA TIKPARA**

Upla kum Moses laka ba bila lulkuya, bara witnis wal yuhmpa witin mapara sa kaka, umpira kaikras pali uplika ba prura pâtka ra mangkisa. Bamna, Gâd Luhpia ra ai mina ni taibi uplika ba, bara talya ra bahki kulki ba, bara kupia yamni Spiritka ra sin saura muni ba mapara, nahki kabia ki? Man nani luki kais nahki witin ba kau klala saura pali briaia ba! Kan baha talya mita sika lâ daukan ba karna saki ba, bara baha ni sin uplika ba hulikira daukan sa. -Hibru nani 10:28, 29

“Ani uplika bahki ai kulki bara bili nani sin wali daukras ba, ya mita pôt ra lulkaia ba pat bara sa. Bila nani yang aisari ba mita sika tnata yua ra pôt ra lulkan kabia. Baha mita sika mai wiri man nani saurkam nani wal ban pruma; man nani kasak luki bangwras sma ‘Yang sika Yang sna’ ba, bamna saurkam wal ban pruma.” -Jan 12:48; 8:24

“Man nani yang upliki nani sma ba, naha mai wisni: Sibrin lukpara baha nani winam tara ikbia, sakuna ningkara diara wala kumi sin sip mai munras ba. Sakuna yang mai wimna yaura lika sibrin briaia ba: Winam tara ikan ba ningkara solkam ba sin hel ra lulkia karnika bri bara lika, sibrin luks. Au, witin ra sibrin luki bas.” -Luk 12:4, 5

Baku bamna, nahmuna swaki sakan laka tara pali na alki briras ban pali swibia kaka, yawan na nahki swak takbia ki? -Hibru nani 2:3a

“Sakuna ya Gâd Luhpia ra kasak lukaia apia wi ba, sip baha rayaka ba bribia apia, sakuna Gâd klalka saura pali ba bribia.” -Jan 3:36b

JISAS KRAIST WAN LAKA DAUKAISA 41

“Gâd yu kumi mangkan sa, naha tasba aiska na laka wapni kat daukaia, waitna kumi witin bak sakan ba mita. Naha dukyara tanka aiska wan marikan sa, Jisas pruan wina bukan bamna.” -Wark nani 17:31

“Aisa mita upla kumi sin lâka aisi daukras sa. saku-na lâ aisi daukaia karnika aiska ba, ai luhpia ra yan sa. Baku mika, upla sut mita Aisa ra mayunra yabi ba baku, Luhpia ra sin mayunbia. Ya luhpia ra mayunras ba, Aisa ra sin mayunras sa, witinka ta sika ai Luhpia blikan ba.” -Jan 5:22, 23

Kan yawan kumi bani Kraist lâ iwaika mawanra bubia sa, bahara kat upla bani ai mana dia kabia ba briaia dukyara, mana yamni mana saura, witin ai wina ra raya kan pyua daukan ba kat. -2 Korint 5:10

Sturi yamni smalkisa ba kat, baku sika baha yua Gâd mita Jisas Kraist bak upla nani sut tanka yukuwan ra ba kat lâ daukbia. -Rom 2:16

Naha ba takan kabia, Dawan Jisas, kasbrika pura ba wina, pauta klauhi tilara bara ai insalka karnakira nani aikuki latan bal takbia bara. Witin balbia, Gâd ra kakaira apia nani ra, bara wan Dawan Jisas Kraist swaki wan sakan sturka yamni bila wali daukras nani ra klala yabaia. Naha nani ba, ban kaiara sauhki tikan pâtka wal klala yan kabia; bara Dawan mawan wina, ai prana wina bara ai karnika wina sin, laiura lulkan kabia. -2 Tesalonaika 1:7b, 8, 9

“Bamna waihli nani yang ai kingka ai briaia apia win ba, nahara brih bal, maiwan kat sut iki bangws.” -Luk 19:27

42 JISAS NINA BLIKISA WISI AISI NANI BA SUT LIKA JISAS DUKIA APIASA

Witin nani bila Gâd ra kakaira nani wisa, sakuna ai daukanka nani ba ni lika apia wisa. -Taitus 1:16a

Ani uplika Kraist Spiritka ba briras sa kaka, witin lika Kraist uplika apia sa. -Rom 8:9b

“Bara bal iwbia, ai natka ba baku, bilam ba walaia. Kuna walan daukras. Kli, kli aisisa latwan laka lawana ba baku, kuna ai kupia ba lika lalah nina ra auya sa.”

-Isikiel 33:31b

“Naha uplika nani ai bila ni baman ai kulkisa, sakuna ai kupia nani lika yang wina laihwra sa.” -Matyu 15:8

“Baha nani yang ra ‘Dawan, Dawan’, ai wi nani ba baman lika Kasbrika purara Kingka tasbaia ra dimbia apia, sakuna ya, ya Aisiki kasbrika purara ba kupia laka dauki ba, baha nani lika. Baha yua balbia bara, upla ailal ai wibia: ‘Dawan, Dawan, yang nani man ninam maki sturi yamni aisi bangwri, ninam maki spirit saura nani kangbi sakri, bara ninam maki sin sain tara ailal dauki bangwri.’ Sakuna yang mita pana witin nani ra wimna: ‘Yang man nani ra mai kaikras pali katna; diara saura baman dadaukra nani! Maiwan wina taki was!’”

-Matyu 7:21-23

“Man nani sin baku sma; purak lika upla nani man ra pain baku sma, sakuna kupiam bilara lika, kunnin bara watauan laka man bangki sa.” -Matyu 23:28

Aman kaiki bas baha nani aihka dakwi takaia laka bara mina prukaia laka buki bangwi ba, kan baha uplika nani ba lika man nani dia smalkanka lan takram ba mapara sa. Bamna witin nani wina aihka dakwi taks, kan bahmuna sat uplika nani ba wan Dawan Jisas Kraist dukya daukras sa. -Rom 16:17b, 18a

JISAS NINA BLABLIKRA AIHWA 43 NANI BA AI BILA WALISA

Gâd laka ba bila wali daukisa kaka, baha ba lika wan marikan sa yawan witin ra kakaira sa.

-1 Jan 2:3

“Man nani ra spiritki maikamna, bara yabrika laika bila bara daukaia laka daukri ba kulkbia.”

-Isikiel 36:27

Witin ka ra aiska aingwa daukan kan bara, witin ba ban kaiara swaki sakan laka karma laya takan, ai bila wali dauki nani sut dukyara. -Hibru nani 5:9

Aima kumi man nani saurka laka wina pri takram bara, kasakka laka albika ni taki bangwram.

-Rom 6:18

Kan Gâd wan paskan; witin Kraist Jisas ra praki wan paskan, wark pain nani daukaia dukyara; diara nani sut ba kan wina yawan wan dukyara pat ridi daukan sa.

-Epesus 2:10

Ban sakuna, Kraist ba man nani ra raya sa kaka, winam tara ba saurka mita pruan kabia kra, kuna spiritkam ba lika Gâd kasak kira kulkan ba mita raya kabia. Kan man nani winam brinka laka kat raya kaia lukisma kaka, man nani lika pruma; sakuna winam laka ba Spirit mita ikbia kaka, man nani lika raya kama.

-Rom 8:10, 13

“Ani uplika nani Dawan nina bri ba, witin nani ba saurka wina tnayara takaia sa.”

-2 Timoti 2:19b

Sakuna Pita, bara apastil wala nani sut naku win: “Yang nani Gâd bila ba kau walaia sna, upla nani ra lika apia.”

-Wark nani 5:29

44 TASBA UPLIKA NANI JISAS NINA BLABLIKRA NANI RA MISBARA KAIKISA

“Tasba uplika nani mita man nani ra misbara mai kaikisa kaka, kupiam krauki bas yang ra sika pas misbara ai kaikan ba. Man nani ba naha tasba wina katma kaka, naha tasba wina uplika nani mita ai tahkia nani ra baku latwan mai kaikaia kan. Sakuna yang man nani ba naha tasba uplika nani tila ba wina bak mai saki mai briri, bara baha mita sika naha tasba uplika nani mita misbara mai kaiki ba, kan nanara man nani lika naha tasba wina uplika apia sma.”

-Jan 15:18, 19

“Bara ban sin pyua kum balbia ani uplika mita mai ikbia ba, witin lukbia baha ni Gâd warkka daukisa. Baku daukan kabia, kan tasba wina uplika nani ba mita Aisiki ra kakaira apia sa, bara yang ra sin ai kakaira apia sa.”

-Jan 16:2b, 3

Baha mita tasba uplika nani mita wan kakaira apia sa, witin nani Gâd kakaira apia ba mita.

-1 Jan 3:1b

“Bara sin win Gâd king aimaki tasbaia ra dimaia kaka, pôt nani wauhwaia sa.”

-Wark nani 14:22b

Bamna kasak pali sa, ani uplika nani Kraist Jisas wal asla hulikira iwaia want lukisa kaka, witin nani ba nina bliki rau sauhkan kabia.

-2 Timoti 3:12

“Naha tasba ra man nani ban pat wauhwaia kama; kuna kupiam karna bri bas, kan yang mita tasba na pura luri sa.”

-Jan 16:33b

“Yang witin nani ra man smalkankam bila ba yari, sakuna tasba uplika nani mita misbara kaikisa, kan baha nani ba naha tasba wina apia sa, yang sin naha tasba wina apia sna ba baku.”

-Jan 17:14

NINA BLIKI RAU SAUHKAN NANI RA 45 PRAMIS MUNAN BA

Trabilkam taki lukisma ba sut, Gâd mihta ra swis, kan witin lika man nani sut main mai kaikisa.

-1 Pita 5:7

“Sibripara, kan yang man wal sna; dring prupara, kan yang man Gâdkam. Karna mai daukiswa, pyua bani help mai munamna. Pyu bani tambaikamna mihti aihkika pura luan laka bri ba wal.”

-Aiseya 41:10

Aisiki, yaptika wal ai lulki ai swibia kra, sakuna Dawan man, lika ai brima.

-Lawana nani 27:10

Baku bamna, yawan sip sa kasak luki kira wiaia: “Dawan sika yang ra help ai muni ba; yang sibrin lukamna apia. Upla yang ra dia ai munbia ki?”

-Hibru nani 13:6

Kraist tawan saura pali mai wibia kaka, man nani liliam bas.

-1 Pita 4:14a

Witin ai insalka nani, man ani anira wama ba main mai kaiki kaikbia.

-Lawana nani 91:11

Il bila kau tihmu bak wapi luamna kra, diara saura bara sa, sibrin lukamna apia; kan Dawan, man, yang wal sma; man sepadkam dusa kîn kam ba, baha nani kupi bukisa kasak lukanka ra.

-Lawana nani 23:4

Diara sut mapara karnika brisni, Kraist mita karnika aiki ba mita. Bamna, man nani dia, dia apu sma ba sut, Gâdki mita maikbia, ai yuika pranakira Kraist Jisas ra bri ba praiska kat.

-Pilipai 4:13, 19

Dawan ba, yang ingniki, bara yang swaki ai saki sa ya sia ai daukbiaki? Dawan ba yang rayaki kaina kahbi sa; yaura sia ai daukbia?

-Lawana nani 27:1

46 SAURKA BARA SETAN WAL RA PURA LUWAN BA

Man nani traika kaikanka nani brisma ba lika upla wala nani bri ba wal sin baku sa. Kan Gâd lika kasak sa, bara man nani wauhwaia sip sma ba purkara kau traika kaikanka nani maikbia apia. Sakuna, traika kaikanka bri bangwma bara, Gâd mita baha ba wina swak takaia karnika sin maikbia, bara baku sip kama baha ba twilkaia.
-1 Korint 10:13

Baha mita, kaisa yawan wan kupia brih wan, Gâdka latwankira king iwaika lamara waia. Bahara yawan umpira kaikan laka bribia, bara witin ai kupia yamnika ba mita, yawan help want awarka ra witin help wankbia.
-Hibru nani 4:16

Sakuna yawan ingni ra takaskisa kaka, sin Gâd ingni ra ba baku, yawan lika pana, pana wan walka wal asla pali sa, bara Gâd Luhpia Jisas Kraist talya mita, wan saurka nani sut ba wina klin wan sakisa.
-1 Jan 1:7

Baku sin, man nani saurka laka mapara pruram baku damra wali bas, kuna Jisas Kraist wal asla, Gâd mapara raya bangwi bas.
-Rom 6:11

Baku bamna, man nani Gâd ra baus. Setan mapara dutki bus, bara witin ba man nani wina plapbia.
-Jems 4:7

Man bilam aisinka nani ba kupi ra mangki briri, yang man mampara saura daukaia apia ba mata.
-Lawana nani 119:11

Kan baha Spiritka Hulikira man nani wal ba lika kau tara sa, tasba uplika nani baha spiritka bri ba wal.
-1 Jan 4:4b

48 JISAS AULA SA—RIDI BAS

Kan Dawan pali ba sika bila baikra karnakira ba wal kasbrika pura ba wina bal iwbia arkinsal bila baikra wal bara Gâd trumpitka wal sin. Bara mika, Kraist ra kasak luki pruan nani ba, pas taura bubia; baha ningkara, yawan kau raya nani ba, witin nani aikuki kasbrika tilara wan brihwan kabia, Dawan wal pasa pura ra prawaia. Yawan baku kabia Dawan wal, ban kaia ban kaiara.
-1 Tesalonaika 4:16, 17

Baku bamna, muihki laitwankira nani, naha sika pramiska nani yang nani brisna ba. Bamna wan wina bara wan spiritka sut ba taski apu klin bri kap; Gâd sibrinkira yawan na aiska hulikira takaia sa.
-2 Korint 7:1

Bamna nanara, luhpi lupia nani, Kraist wal asla ban bas, bara baku mika witin param takbia bara wan auyapah kabia, bara witin balbia bara ai mawanra yawan bubia, bara wan swira daukan kabia apia.
-1 Jan 2:28

Man nani sin wihka bila kaiks, kupiam sin dutki bri bas, Dawan balaia yua ba pat baila sa bamna. Muihki nani, pana, pana bukpara; baku lamka daukbia apia, kan Gâd, witinka Wihta aimaki ba, dur lama kat buisa.
-Jems 5:8, 9

“Man nani sin ridi bas, kan lukras kaprika pyua ra Upla Luhpika waitna ba balbia.”
-Luk 12:40

Muihki laitwankira nani, yawan lika pat Gâd luhpia nani sa; bara tnata yua ra yawan dia kabia ba tanka nanara kau param sakras sa. Sakuna Kraist kli balbia bara, yawan sut witin ka wal baku kabia ba tanka pain kaikisa, kan witin nahki ba tanka kat yawan param kaikbia.
-1 Jan 3:2

PURA SUNRA KASAK PALI BA GAD 47 UPLIK DUKIA SA

Kupi ai wisa: “Dawan mawan kaikaia pliki bas.” Bara yang, “Dawan man mamwan kaikaia plikisna.” Upliki nani, witin ra kasak luki ban bas! Witin ra aisas puram sunra ni kupiam aiska luki kira! Dawan sika wan yukuwaika ba!
-Lawana nani 27:8; 62:8

Dawan, siknis wina ai râks, bara aiska ra wan takamna; swaki ai saks, bara aiska swaki ai sakan takamna, man ra baman yang mamyuni sna bamna.
-Jirimaia 17:14

Pyu bani puram suni bangwi bas. Diara sut dukyara Gâd ra tingki wi bas, kan naha sika Gâd mita man nani wina want ba, Kraist Jisas ra kasak luki sma bamna.
-1 Tesalonaika 5:17, 18

Man nani tilamra ya sins laka luha sa kaka, Gâd ra makabia, bara Gâd mita yabia...swira sin daukras kira.
-Jems 1:5

“Man nani yang wal asla ban sma kaka, bara dia mai smalkri ba sin amya tikras sma kaka, dia, dia want sma ba makas, bara maikan kabia.”
-Jan 15:7

Yang Dawan ra plikri, witin yang ra ai walan, bara pana yang ra aisin, yang sibrinka nani sut wina pri ai sakan.
-Lawana nani 34:4

Yang lukanka saura briri kata kaka, Dawan ba ai walaia apia kan. Dawan, yang saurki ba tara pali sa; yang saurki ba ban swi tiks.
-Lawana nani 66:18; 25:11

Sakuna dia, dia luha sma ba sut, Gâd ra puram sunra nani ra wis; makabi bas bara tingki sin wis.
-Pilipai 4:6b

GAD SPIRITKA WAL AIBANGHS

Yang smalkan kira nara wals, bara yang spiritki ni mai bangwamna; yang maikamna lukanki tanka briaia.
-Sins laka 1:23

“Man nani daukankam saura nani ba swisi mahka Dawan ra taus, bara kumi bani sin yarka li ni tahbi mai daukan kabia Jisas Kraist nina ra; baku mika saurkam nani swih tikan kabia, bara Dawan mita Spirit Hulikira ba maikbia.”
-Wark nani 2:38b

Bamna bla apu bas, kan baha mita ban tanis tiwaia ra wan brihauya; sakuna Spirit Hulikira ni aibangwi bas. Man nani pana, pana walkam wal Pura Sunra Lawana nani baman aisi bas, spirit lawana nani aiwani bas, bara kupiam aiska kira ni Dawan ra aiwani mayuni bas. Pyua bani diara sut dukyara, Gâd Aisa ra tingki wi bas, wan Dawan Jisas Kraist nina ra. Kraist ra kulki lakara, man nani pana, pana walkam ra baui bas.
-Epesus 5:18-21

Kan Gâd mita sika man nani ra brinka yamni nani ba maikisa, bara naha nani kat daukaia sin help mai munisa, ai kupia laka yamni ba kat.
-Pilipai 2:13

Man nani kaikras sma ki Gâd tempelka bangwisma ba, bara Gâd Spiritka ba man nani ra iwisa? Gâd mita mana kum ni mai atkan sa. Baha mita man nani, wina nam Gâd ra pain kulkaia sma.
-1 Korint 3:16; 6:20

Bamna witin nani sut Spirit Hulikira ni bangkan kan, bara sibrin apu Gâd sturka yamni ba aisin.
-Wark nani 4:31b

If you are interested in receiving additional Scripture booklets,
write to the publisher in English:

World Missionary Press, Inc.
P. O. Box 120
New Paris, Indiana 46553-0120 USA

Pri—Atkaia dukia apia

www.wmpress.org

1588/2 Miskito HKG